

COMUN: L'ombolt, la junta y i aconsiadus s'incunta cun la popolaziun a San Martin en lönesc, ai 13 de novëmber dales 20.00 tl salf di stödafüch a Lungiarü en jöbia ai 16 de novëmber dales 20.00 tla palestra

### PLOANIES SAN MARTIN Y LUNGIARÜ

Invit: en mercui ai 15 de novëmber dales 19.30 tëgn tl salf dla Raiffeisen d'Al Plan don Paolo Renner n referat por düc i crejimanc, totes, toc y geniturs.

#### SAN MARTIN

Düc i/Dötes les Seniors/es (sura 60 agn) da San Martin y d'Antermëia é dër bel inviá ala reuniun generala cun la lîta dl consëi nü y dedô marëna, en domënia, ai 19 de novëmber, dales 11.15 tl salf dla refeziun a San Martin; le cost é de 15 € Prëibel prenotesse pro Alfred 333 36 54 786 cina en lönesc, ai 14 de novëmber.

#### LUNGIARÜ

Le Comun lascia alsavëi ch'al pó ince gní anuzé le local dla „ex-posta“ a Lungiarü por incuntades/sentades de uniuns. Al basta telefoné te comun a Carlo Piazza (0474 524 375) sc'al é léde y le rëservé. Al vëgn perié da le lascé indô nët.

Dilan dles ofertes ala dljia en recordanza de + Severina Costa dales families Nagler, dal Cor de dljia, da Agostin y Dorina Clara, dai nus y pronus da S. Andrè. Le KVV da Lungiarü organisëia le „Nadé tla scatora dai cialzá“, An la decorëia y mët ite scincundes por mituns/mitans da 2-4 agn, da 5-9 agn o da 10-14 agn (eticheté söla scatora). An pó mët ite: 1.Scincunda wow: peluche, popes, auti. 2. Articui por l'igiena: cremes, busc dai dënz... 3. Material da scora: corusc, sföisc, ...4. Guant: ciüries, cialzines,... y 5. Duciaries che á la scadënza almanco cina merz. An po les dé jö cina ai 15 de novëmber ala maestra Annamaria. Dilan!

I/les Seniors/es da Lungiarü é inviá/des ala ciastagnada dla uniun en sabeda ai 18 de novëmber: dales 18.30 funziun te dljia por perié do la pesc y dales 19.00 cëna cun ciastagnada tl Hotel Sanví. Le prisc é de 25 € + le bëre (35 -10 € che la Uniun surantol). Prenotesse cina en mertesc, 14/11, pro Renate 342 32 79 406.

Por la îta dles surastantes dla Uniun dles ëres él da dé jö la zetola tla lada apé de dljia cina ai 26 de novëmber. (ciarede plü avisa tl'ultima plata)

-----

Kyrios 50 agn! En vëndres, ai 17/11, tla Ciasa Runcher dales 20.00; en domënia, ai 19/11 dales 10.00 mëssa a Badia y dales 17.00 concert - [www.kyrios-badia.it](http://www.kyrios-badia.it)

Le *Sorvisc ai Jogn* chir na colauradëssa/en colauradú part-time por l'organisaziun dl Isté Deboriada y/o por laurs desvalís dofize, por acompagné i mituns y i jogn, vigni secunda sabeda sëra, tl Zënter dla Jonëza SaJ.un a La Ila. Menede la domanda cun le curriculum vitae y la motivaziun por e-mail a [info@jogn.org](mailto:info@jogn.org)

Invit a mitans y mituns dla scora elementara a n domisdé cun stories, pastelné y jüc en dedolönesc, 14/11, dales 15.00 tla biblioteca Sas dla Crusc a San Martin.

La Crusc Blanca inviëia a n curs de revitalisaziun cun AED ai 21 de novëmber dales 18.30 ales 21.00 tl salf di stödafüch d'Al Plan.

Le Raiun Sozial chir n/na operadú/ëssa sozioassistënzial/a o n/na operadú/ëssa soziosanitar/a por l'assistënza a ciasa a tëmp plëgn, a mëz tëmp o ince al 75% cun atestat de bi- o ince trilinguism B1 a tëmp determiné, da atira inant. Telefonéde al 0474/524552 y damanéde do Helga Trebo o Siglinde Erlacher.



[unitepastorala.org](http://unitepastorala.org)

## Plata dles Ploanies San Martin y Lungiarü



ploan siur Klaus Sottsas 344 15 54 055 - [ksottsas@rolmail.net](mailto:ksottsas@rolmail.net)

curat siur Heinrich Perathoner 339 65 74 213

redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

### 12.11. - 19.11.23 n. 51

ultimo termo por comunicaziuns: jöbia, dales 20.00

## 32<sup>a</sup> Domënia ia por l'ann A

### Vangele do san Matí 25,1-13

Amesa nôt àn aldí te n iade scraian dadalt: Al vëgn le nüc! Jidi adincontra! Dailò é les jones dötes lovades sö y à metü apost sües löms. Y les dejacortes ti à dit ales acortes: Desse de osc öre, zënza él nostes löms che se destöda.

Mo les acortes ti à respognü: Dailò ne n tléchel no por nos, no por os; jide ma dai boteghiers y cumprësun. Ciamò tratan ch'ares ê sön tru da jì a

cumprè l'öre, é gnü le nüc; les jones che ê arjignades é jüdes impará tl salf da noza, y la porta é gnüda stlütá. Plü tert él ince gnü les atres jones y ares cherdâ: Signur, Signur, dëuresse!

Mo al ti à respognü: Amen, i ves diji:

I ne ves conësci nia. Stede acoré!

I ne conescëis no le dé, no l'ora.

*Ci nüc tan cröde! Ne podessel nia ester n pü' plü misericordius y impó lascé ite les cin' jones? Ares s'á pö porvé! Y spo pón pö datrai se desmentié val'. Chiló ne vára nia de se desmentié val', mo dles consequënzes sc'an ne mët nia averda. Chiló ne vára nia de compasciun, mo de sté muntri y de atenziun.*

*Al é n amonimënt a nos cristians, da ne s'acotenté nia cun le monn sciöch'al é y da crëie che döt vais fora bun. Al ne basta nia da avëi ma speranza.*

*Nosc monn adora prudënza, atenziun y de bunas strategies.*

*Al ne basta nia da ponsé che le sënn cuntra i imigranc se calmes da su.*

*Al ne basta nia da miné che le mudamënt dl clima s'archites ia da su.*

*Nosc dagní vëgn manacé da systems autoritars y radicaí,*

*dala ingordia de n valgügn, da informaziuns inventades y falzes,*

*da nosta fraidité da jì a funz dles cosses, da ponsé plü inant y da chirí la verité.*

*Sc'í ne se sforzun nia da ponsé y da fá ci che é da fá sëgn tl pice y tl gran,*


*sc'í ne rovenun nia nosta vita do le tru che Gejú nes á mostré,*

*spo pól ester ch'al sides te n iade massa tert y ch'í rovun dan la porta stlütá.*

*Stede muntri y acorc tan dí che la porta é ciamó daverta.*

Image



EDEMA - ANN "A"	SAN MARTIN	LUNGIARÜ	
<b>12.11.23</b> <b>32<sup>a</sup> Domënia dl ann A</b>	<b>Festa de nosc patron San Martin</b> <b>9.30 Corona</b> <b>10.00 Gran Mëssa por la comunité</b> + + + Maria, Tone, Pire Unterweger + + Paul y Loise Videsott dl ann + Franz Conrater <b>Al vëgn tut ite i/les sorvidus/ësses nüs/öies</b>  <b>Invit a düc da gní ala incuntada</b> <b>dla comunité tl gran salf cun buffet</b>	<b>7.50 Corona</b> <b>8.15 Gran Mëssa por la comunité</b> por fam. Carlo Castlunger aniv. Scimun Mischi + siur Heinrich Videsott + + Hilda y Claudia Irsara	<b>TÈMP DE</b>  <b>ASPETANZA</b> 
<b>13.11.23</b> Carl Lampert, Eugen <b>Lönesc</b>	<b>14.00 Mëssa y sopoltöra</b> <b>dla defunta Loise Ploner Unterweger</b>		
<b>14.11.23</b> Veneranda, Alberich <b>Dedolönesc</b>	<b>8.00 Mëssa</b> + + Bino y Ottilia Pedevilla a d'intenziun / de rengraziamënt		<p>1. Èis' aldí i corgn che sona            dles verdes che defënn y scona            i mürs incër Ierusalem.            Mesanöt, al é gnü l'ora            dl nüc che comparësc adora.            Impiede, jones, ostes löms,            fajede lominus,            spalier sön ur di trus, Alleluia.            Daurisse, portes dla cité,            impuntassö, al nasc so de.</p>
<b>15.11.23</b> Albert le Gran, Leopold <b>Dedemesaledema</b>		<b>7.45 Mëssa di scolars</b> por fam. Albert Dapoz + Sepl Clara, Somví + + + Carlo, Pio y Pire Mischi	
<b>16.11.23</b> Margareta, Otmar <b>Jöbia</b>			
<b>17.11.23</b> Florin da Matsch, Gertrud <b>Vëndres</b>	<b>18.30 Adoraziun chîta</b> <b>19.00 Adoraziun deboriada</b>	<b>18.30 Funziun/adoraziun por la pesc</b>	<p>2. Zion, alda usc che cianta,            i cörs che ligri bat y salta,            dal sonn indésprete, cité.            Ví compagn te tüa potënza,            cun grazia, verité, tlemënza;            sorëdl lê dan tüa belté.            Oh vi dal tronn dl cí,            Gejú, tö Fi de Dî, Osianna!            Al past da noza ast' invié            incër tüa mësa a s'alegré.</p>
<b>18.11.23</b> <b>Sabeda</b> <i>Segra basiliches de S.Pire y S.Paul</i>	<b>18.30 Mëssa pefestia</b> + Maria Vantsch Sorà (dl ann) + + + Ferdigg, Burkia, Pescosta, Ju		
<b>19.11.23</b> <b>33<sup>a</sup> Domënia dl ann A</b>  <b>DOMËNIA DLA CARITAS</b>	<b>9.30 Corona</b> <b>10.00 Liturgia dla Parora</b> <b>Oferta por la Caritas</b>	<b>7.50 Corona por + Severina Costa</b> <b>8.15 Gran Mëssa por la comunité</b> 2 <sup>a</sup> de sopoltöra de Severina Costa + Sepl Chiusura + Nando Clara <b>Oferta por la Caritas</b>	<p>3. "Gloria a Dî" dadalt ciantunse,            so rëgn che vëgn indlunch tlamunse,            süa Dlijia suns' cun fedelté.            Söl orí tles danterores            periunse Dî ch'al nes renforzes            da le daidé realisé.            Degügn n'á mai odü,            degügn n'á mai aldí ci ligrëza            che Dî arjigna a vignun            de chi che l' chir y ti ó bun. (LS 489)</p>